



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1063. Usque Ad Annum 1100

Fleury, Claude

August. Vind. [u.a.], 1761

VD18 90117964

§. 58. Concilium Erfordiense.

[urn:nbn:de:hbz:466:1-66363](https://nbn-resolving.org/urn:nbn:de:hbz:466:1-66363)

Sæculum XI. Decimas partiretur. Lucelli spe captus
A.C. 1073. Sigefridus Concilium Erfordix decima
 Martii anno millesimo septuagesimo ter-
 tio celebrandum indixit.

§. LVIII.

Concilium Erfordienſe.

Lamb. an. Statuto die aderat Rex, aderat Archi-
 1073. episcopus, stipatus uterque magno
tom. 9. Conc. grege Philosophorum, quos ex diversis
 p. 1230. locis summo studio conciverant, ut Ca-
 nones pro voluntate Præsulis explica-
 rent, & causam ejus deficientibus veris
 argumentis saltem sophisticis roborar-
 ent. Assidebant Episcopi quatuor Her-
 mannus Bambergensis, Hecel Hildeshei-
 mensis, Eppo Citicensis, & Benno Osnab-
 rugensis, qui obfirmata mente vene-
 rant Regi & Archiepiscopo adulatori,
 quamvis plerisque ipsorum factum non
 probaretur. Sed ne libere, quod sen-
 tiebant, eloquerentur, & Regis terrore
 & privata Archiepiscopi amicitia inhi-
 bebantur. Habebat præterea Rex circa
 se armatorum copias non modicas, qui-
 bus eos, qui forte negotium interturbare
 conarentur, coerceret.

Thuringorum spes & fiducia potissi-
 mum in Abbate Fuldensi & Abbate Her-
 veldensi nitebatur, quod hi Ecclesias
 Decim

Decimales plurimas, & prædia infinita haberent in Thuringia. Qui publice interpellati pro Decimarum redditione, primo per Deum rogarunt Archiepiscopum, ut antiquitus tradita monasteriis suis jura rata inconvulsaque manere sineret, quæ Sedes Apostolica veteribus & recentibus Scriptis firmasset, & Antecessores ejus usque ad Luipoldum Episcopum nunquam infringere tentassent. Id atroci responso Archiepiscopus reperit, scilicet Antecessores suos, ipsorum ætate, suo arbitrato Ecclesiam Dei moderatos fuisse, eosque rudibus in Fide auditoribus, & pane adhuc Neophytis, lac potum dedisse, non escam; & sapienti dispensatione multa indulgisse, quæ processu temporis, dum in fide convalescent, Successorum suorum industria resecuri vellent. *Ego vero, addebat, jam adulta Ecclesia, a filiis Leges Ecclesiasticas servari exigo.* Proinde nihil eis superesse, quam ut acquiescerent, vel a Communionem Ecclesiæ separarentur. Tum Abbates rursus per Deum orare, ut si in Romani Pontificis auctoritate, si in Caroli aliorumque Imperatorum privilegiis, si in Antecessorum ejus Moguntinorum Pontificum indulgentia nihil sibi præsidii aut spei reliquum esset, ipsarum saltem Decimarum eam ipse

Sæculum XI. partitionem fieri sineret, quam Cano-
A.C. 1073. num Scita æquam judicassent, & cete-
 ræ orbis terrarum Ecclesiæ usitatam ha-
 berent; scilicet ut quarta parte ipse pro
 suo suorumque Servitio contentus, tres
 reliquas Ecclesiis, quibus antiquo more
 deberentur, relinqueret. Respondit
 Archiepiscopus, non ea mente se tantum
 laborem trivisse, & jam per decem fer-
 me annos laboriosum hoc saxum volvis-
 se, ut ultro jure suo cederet. Primus
 ac secundus dies in hac concertatione
 jam fluxerat, ancipiti adhuc fortuna,
 utra pars victrix futura esset. Jamque
 in eo res vertebatur, ut Thuringi, im-
 probata Synodo, Sedem Apostolicam ap-
 pellarent. Sed Rex sub attestatione No-
 minis Divini affirmabat, se in eum, qui
 id præsumpsisset, capitali sententia animi-
 adversurum, omnia quæ ejus essent
 usque ad internecionem dissipaturum,
 clademque ejus diei multis postea sæcu-
 lis non abolendam. Ita Abbas Herve-
 lensis suorum Subditorum periculo con-
 territus, quoniam aliud rebus in arctum
 conclusis non patebat effugium, rem
 consilio Regis permisit, quatenus prout
 ipse bonum & æquum judicaret, causam
 inter se & Archiepiscopum terminaret.
 Postquam diu deliberatum, in hæc pa-
 cta consenserunt; ut Abbas in decem
 suis

fuis decimalibus Ecclesiis duas partes ^{Sæculum XI.}
 decimarum, tertiam Archiepiscopus ac- ^{A.C.1073.}
 ciperet. In reliquis vero ejus Ecclesiis
 dimidia pars Abbati, dimidia Archiepi-
 scopo obtingeret. Ubi vero Ecclesia de-
 cimalis tota Archiepiscopi esset, tota ei
 illic decima cederet. Præterea ut omnes
 Archiepiscopi ditiones, in quacunque
 positæ essent Diœcesi, ab hac exacti-
 one immunes manerent.

Abbate Herveldensi sub jugum misso
 Thuringi omni spe adempta, eo quod in
 illius prudentia & eloquentia plurimum
 fiduciæ sibi posuissent, decimas se datu-
 ros sine mora promiserunt. Fulden-
 sis Abbas aliquot postea diebus in propo-
 sito perstitit, sed tandem Regis timore su-
 peratus conditionem iniit, ut in cun-
 ctis decimalibus Ecclesiis suis partem di-
 midiam decimarum ipse, dimidiam Ar-
 chiepiscopus acciperet, ditiones vero
 proprias, sicut Archiepiscopus, omnes
 ab omni decimarum redditione liberas
 haberet. Tum Rex sciens, haud bene
 placitura Romano Pontifici, quæ gesta
 fuerant, utrique Abbati præcepit, nisi
 gratia sua excidere vellent, ut neque per
 se ipsos, neque per Nuncios Apostolicam
 Sedem interpellarent. (*) Henricus re

N 3 ut

(*) In Actis Conc. Edit. Par. an. 1714. ad-
 ditur

Sæculum XI. ut exoptabat perfecta Ratisbonam con-
A.C. 1073. tendit, ubi Festum Paschæ, quod hoc
 anno millesimo septuagesimo tertio in
 ultimum diem Martii incidebat, cele-
 bravit.

§. LIX.

Alexandri II. extrema.

Papebr. con. Alexander II. Papa rebus humanis ere-
 ptus est paulo post, nempe vigesima
 die Aprilis anno millesimo septuagesimo
 tertio, atque in Basilica S. Petri sepultus,
 postquam Sacram Sedem annos undecim,
Chron. Caff. menses sex & dies viginti duos tenuis-
III. c. 36. set. Duo miracula vergente ad finem
 vita edidisse fertur. Nempe librasse a
 Damone quemdam in monte Cassinensi
 Energumenum, & sanasse quamdam mu-
 lierem claudam in civitate Aquinaten-
 si, huic enim cum aquam, qua post celebra-
 tam Missam manus abluerat, dari iussis-
 set, bibit illa & repente sanitatem pedis
 recuperavit. Ceterum Alexandri II.
 Epistolas habemus quadraginta quinque.
 Plerasque summatim retuli, & in ceteris
 quæ sequuntur adnotavi.

Mari-

ditur Annotatio: Ita absoluta est tyrannice cau-
 sa Hucusque Acta Latrocinii Henrici
 ni ex Lamberto narrata &c.